

Folia non subtus glauca, Pedunculi non tomentosi sed tantum subfarinosi. Involucra et Involucella nulla, folia vero sparsa in pedunculis ramosis, non umbellatis, lanceolata. W.

*5. **SONCHUS acidus.**

S. pedunculis ramosis nudis, calycinis squamis patulis, foliis pinnatifidis, laciniis oblongo-lanceolatis acuminatis integerrimis, caule fruticoso. W.

Sonchus acidus. Schousboe in litt.

Sauere Gänsefistel. W.

Habitat in imperio Maroccoano, ‡ (v. f.)

Folia semipedalia petiolata glabra pinnatifida, laciniis oblongo-lanceolatis acuminatis integerrimis. Pedunculi valde ramosi subdichotomi subumbellati nudi. Flores magnitudine S. arvensis. W.

*6. **SONCHUS pinnatus.** †

S. pedunculis nudis, calycibus laevibus, foliis pinnatis, pinnis lineari-lanceolatis subdentatis. Ait. Kew. 3. p. 116.

Gefiederte Gänsefistel. W.

Habitat in Madera. ‡

*7. **SONCHUS radicans.**

S. pedunculis nudis calycibusque glabris, caule subnudo, foliis radicalibus lyratis utrinque laevibus, lobis triangulari-ovatis. Ait. Kew. 3. p. 116.

Bewurzelte Gänsefistel. W.

Habitat in Madera. ‡

*8. **SONCHUS taraxacifolius.** W.

S. pedunculis squamosis, floribus paniculatis, foliis runcinatis calloso-dentatis basi attenuatis. W.

Löwenzahnblättrige Gänsefistel. W.

Habitat in Guinea. (v. f.)

Caulis crassitie pennae anserinae spongiosus. Folia confertiuscula Taraxici basi attenuata glabra dentata, dentibus apice albis. Folia superiora lanceolata fere indivisa subdenticulata; summa linearia integerrima. Pedunculus communis paucis foliis instructus, semipedalis et ultra, apice in paniculam divisus. Pedunculi pro-